

常山文集

九

和
1438
辛巳

早稻田大學附屬
圖書館


第一寄

漢詩文

第 420 號

第 9 卷

此書館不外許帶出




和16
1438
9

常山文集卷之十七


賦

扇賦

權中納言從三位源朝臣綱條輯



皎兮彼齊紈。裂以為扇。猗哉彼楚竹。破之。作
骨。方以應矩。粲粲若半璧。圓而中規。團團似
明月。懷之而思周生之梯。雲書之則感羊孚
之讚。雪其為用也重。其為體也輕。其在手也



安。其開面也平。塤然發羊角。飄乎翻鶴翎。若夫言其德。則酷暑頽逃。清風忽生。言其功。則以代干戚。鷺翮縱橫。晉武之節。奢飾虞舜之作。五明文帝之問。少千謝安之賞。袁宏良有以也。所恨者。雖曰在西風。不棄者。所以助南薰。嗟呼班姬之述歌。行奇矣。蕭綱之作回文。顧榮潰陳敏之衆。王融書柳惲之雲。曹植之賦。九華。諸葛之麾三軍。老嫖愠逸少。元顯戲羊欣。能遠營營之聚蠅。而驅擾擾之飛蚊。轉

焉揮流汗。舉焉拂塵氛。得讀書之一助。慰儒生之三勤。若乃王導之蔽元規。介子之從伯陽。或餘顧景。蟬雀之工。或表高宗。雉雉之祥。快哉快哉。一覆手則避趙盾。日二翻手亦迎溫公涼。惟夏用兮冬捐。彼烏盡兮弓藏。用舍之理。人間之常。亂曰。黃香之扇枕也。孝子之純兮。武王之救暍也。聖君之仁兮。推孝致忠。可以戒臣兮。由仁施政。可以及民兮。

白鷺賦

某月某日。余偶得白鷺一雙。不堪愛玩。覓紙把筆。寸燭之間作賦。

惟異域之靈鳥。而含豐麗之奇姿。綠眼黃喙。唳唳乎鳴兮。霜毛雪羽。皜皜乎輝。嘗聞羌王養之。洛陽兮。緬懷道士與之。羲之兮。也幸得之。石山兮。放之園池。夫古往今來。養此鳥兮。其情雖異。其趣無違。慧遠講則隨之。聽經兮。黃帝戰則用之。為旗。陳氏哇而不食兮。蘇子愛之。賦詩達表文。而獻忠兮。混軍聲以齊飛。

所以為其德兮。於此其可知。搏兩翼而浴于清波兮。垂長頸而眠於水涯。丹掌從容。漸陸兮。條翎苦短。升墀。嗚呼悲哉。不遇時。卞和由奉獻。則足兮。野雁以可愛。鍛翮感物。以作賦兮。實可戒而可怕矣。吁。

螢火賦

涉後園以逍遙兮。樂螢火之專良。夜若夫萬物之應時兮。昆蟲之乘化。林塘改春兮。腐艸迎夏。遂含光而內朗兮。忽排藜而群飛。晝伏

清山文集 卷之十一
艸際而不顯兮。夜出濕地以弄輝。熠熠熒熒
入羅幕兮。飄飄款款。點人衣。遠而望之。煥乎
如磨。階珠兮。迫而察之。粲然似轉璇璣。乍聚
乍散兮。或明或滅。隨處居也。無所定兮。逐風
行也不爲列。翔太陰之玄昧兮。抱夜光之明
潔。逢淫雨曾無消兮。觸人膚更不熱。凌虛空
訝星流兮。拂佳木疑花生。偶仙鼠而伺夜兮。
對嫦娥不失明的。爍熠燿色猶鮮兮。翩翩翹
遙體自輕。賓王以爲類。君子之有道兮。傳咸

又稱似賢臣之盡誠。終宵向人若愚兮。一生
與物無爭。抱其天然兮。含其忠貞。更匪傷。蚌
蛸之微命兮。且無羨扶搖之鵬翼。每入暗室。
舉簇簇焰兮。自養浩氣。有明明德。盛綃囊照
書兮。爲儒生進學。冉冉依芸窗兮。斑斑照山
嶽。申來好水之清兮。平素避流之濁。宜哉君
子賢臣之喻兮。其能樂知仁之樂。

中秋無月賦

皎兮。彼陰靈兮。大哉。以坎德。盈虛之有數。高

明之有則。校一歲之中。兮。圓影十二迴。就中秋之爲第一也。良有以哉。夫秋者金之氣。月者水之精。物類之相感兮。誠金水之相生。是以中秋兮。其賞何輕。自古之至今。於文有名。謝莊之賦兮。鮑昭之詩兮。明復之恨兮。去非之情。把酒。緬懷天柱之難攀兮。投繩。遠羨周生之術成。偏惡陰兮。以愛晴。今年南呂之中。旅寓于東武城。煤炷著廣天兮。虛空無寸明。河伯舉鞭疾走兮。織阿推車屏營。吳牛不喘。

而商羊已翔。興空過兮。庾亮樓愁暗結兮。班姬牀於此。無由喻于扇。誰歟。剪紙噓于牆。有客歎曰。是八月之望。一年之明月。今宵多。所嗟何不幸。而雲掩風嚴。雨滂沱。誠衆人之愁兮。無如之何。余曰。世人皆不知此。試爲君言焉。月若雖明。雲掩則清光不能施。雲雖無掩。月蝕則素影不能鮮。况於人乎。小人之掩君子也。正道不能全。鄒君子曰。性之善也。物欲蔽之。則其德無明。所謂月者水之精。水者隨。

器之方圓。蓋亦然乎。豈其不然乎。

雪賦

以宜麥見
三白為韻

歲窮次星窮。紀玄陰凝。滕六馳嚴寒。龜手烈風。砭肌適登。高樓物色。罄宜當空。素絮散逐。車縞帶隨。放眼西嶺。聳冰柱舉。足北窻接。瑤墀攀花脆。易落步月。踏有迹。冷艷賁園。繽紛伺隙。餓禽愁乏。啄食老農。悅肥宿麥。竹林奏穆王歌。梭欄垂齊紈。扇瑤池襲玉屑。筆陣困白戰。灞驢思更在詩。越犬吠怪。不見蘇武高。

節於塞北。趙普下策於江南。友敲門來。我擁爐談烹茶笑陶穀。映書扣孫三乘興斟酌。終夜枕藉。樂是優游。誰不夷憚。亂曰。雪兮雪兮。莫空此夕。忽設嘉肴。苦命歡伯。醉而睡覺。又飲不知東方既白。

中元日遊海邊玩月賦

沖洲即興。鬪清風徐來四字。依次為韻。

時惟孟秋。天高氣清。聊乘休暇之月。更伸積裳之情。解纜兮那珂擊棹。兮空明櫓聲動而

游魚沈。欵乃發。而宿鷺驚。瑟瑟菰蘆。點點浮萍。凝眸。左右兩岸走。回首西北。白雲橫。蹠足中洲。披懷涼風。言萃良朋。既呼漁翁。投網得魚。起歸思於張翰。舉酒屬客。問壯遊於蘇公。供張沙阜。極目海東。扁舟凌雲。片帆懸空。洪濤鼓兮。犇雷轟。水氣蒸兮。大霧濛。坐設席而晤語。策扶我以步徐。于時斜漢左界。衆星影踈。搖金波於蒼海。揚彩華於碧虛。彼木華之作賦。江泌之照書。余舉盃酌客。客作歌謝余。

歌曰。月出皎兮。雲翳除。德之明兮。君所於。萬方齊望。威光之餘。歌響嫋嫋。未止矣。雅筵秩秩。其樂昏。忘世之所紛。縱意之所如。我視海潮之進退。熟悟哀樂之往來。亂曰。清風兮皓月。姑酌兮金壘。不醉兮不歸。陶陶兮快哉。於是進旨酒。再開宴。嘗嘉肴。屢傳盃。假令東方將白。不知玉山之頽。表

上扶桑拾葉集表

伏以俾彼雲漢為章于天。美哉山川流形於地。不資工力自有質文。是故蟹行悉曇之書亦堪紀事。鳩舌侏離之語尚足據情。雖有作字之殊。至其言志則一。臣光因誠惶誠恐。稽首頓首上言。竊惟今此秋津之洲。古稱君子之國。粵稽上世。唱和肇於伊莽。諾伊莽丹之時。眇覲玄風。詔教起于日靈。貴皇產靈之際。至若磐余彥之制令。神八井之讓辭。皆是太古文言。猶如虞夏典謨。自豐聰出。士庶知學。

隸楷及大友生。措紳始肄詩賦。於是異邦縹帙。插架以成雲。遂使絜域青編盈箱。而供蠹遺其近。索其遠。離其故。趨其新。文物之變更。與時而升降。弘仁之間。嵯峨帝序。萬葉延喜之歲。紀貫之題。古今爾後。雖多捕蛇握珠。人未聞哀狐全裘者。或罹兵燹。為灰燼。或落民間。覆醬瓿。載籍淪亡。人文隕墜。臣資質謏陋。學習踈慵。世生武林。唯從磬縱之事。身居幕下。豈遑編纂之勞。然思先正之嘉言。等泥沙。

而棄擲。往哲之懿行。忍沈埋而不彰。寤寐慨
嘆。廣設罽羅。拔茅遂連。其茹磨圭。因缺其珫。
一心一德。偕敗度敗禮。而並傳。如璧如金。與
無止無儀而同什。徧探名山靈區之奧。旁求
騷人雅士之文。上自弘仁。下迄承應。篇幾三
百之數。人凡一百有餘。璠璳兼收。觀感斯在。
久思求夫芥藻。固有待於將來。恭惟。

太上皇帝陛下。聖慮淵深。英才天縱。德輝萬
世。澤霈四維。凝思風雲。深造志磯。島之道脫。

疑宮闕。靜遊藐姑射之山。怡性情於圖書。辨
妍媸於水鑑。臣幸遇。

聖主。夤獻微編。輕瀆冕旒。猥蒙題品。微其顯
闡。其幽迥。異稗官之陋。芟其煩去其蕪。輯為
大成之書。辱灑中山仙毫。賜名扶桑拾葉。積
年素望。一旦獲伸。伏願傳世。而為千載之著
龜鏡。禕以慰大方之耳目。臣無任歡躍屏營
之至。謹將所編扶桑拾葉集。裝成三十卷。隨
表上進。以聞。

啓

應

明曆皇帝制賦雪朝遠望詩答虎林禪

師啓

伏以。文物丕隆。

盛朝黎庶薰陶禮義。聖教覃敷下土。赤子
涵養性生。唐虞之時皆可封。桀紂之民盡可
戮。故虎嘯而風冽。龍吟而致雲。振古如茲。於
今亦爾。恭惟大禪師虎林和尚。學秀五山。才

踰八斗。轟喝雷于臨濟。挑法燈於夢窻。逆道
安之流。等稱彌天釋。扣石門之戶。同參文字
禪。咫尺。龍顏于朝。于夕浴恩澤。雜列蟬冕。
花之月之。從御遊。濟濟焉夫。金紫公卿。淵淵
乎有。黑衣宰相。對敷黼。宸評薦賢才。忽渙
綸音。俾申論列。蓋聞黼黻。皇猷謂之文。匹休
往哲而成獻。自非芥藻出萬人之類。德言闡
千聖之微。未易當斯。何能輕譽。今臣生於東
海之濱。長乎武林之下。推樸稟質。惰窳習成。

才德本疎。何狗虛名。於中禁穀。蒲僅執。敢
 矜羣后。於八列。斗大一城。無能荒度。矧曰廟
 堂之器。藐茲十室。不發絃歌。孰昭雲漢之光。
 窺斑豹於南山。茫然霧隱。而不露。內羣生于
 風雅。徒爾夢寐。而難親。深慙力賜。吹噓乃蒙
 猥承濫譽。何期冒達。天聽遂致。親飛宸
 翰。黃雲已收。紅旭初上。北辰高位。驚眼萬里
 之天。西嶺新晴。凝思千秋之雪。臣不知所以
 裁之。曷足揚盛美。無任戰慄屏營之至。勉搜

枯腸。爰得三首。希吐雌吻。極選一章。伏冀轉
 呈。睿覽。臘底適罹。頃策之變。年後不遑。公
 私之紛。復札。替延。統祈寬宥。時維正月。物屬
 陽春。惟願。幹旋元氣。蔭合太和。盎盎然布德
 化於春臺。熙熙焉躋生民於壽域。跂望悚仄。
 不罄所懷。須至。啓者。華業。於斯。新節。以茲。心
 外。前賀。心越。禪師。住岱宗山。啓。東。於。前。入
 伏。以。祖師。西來。止。異參。同參。皆共。參。佛法。東
 漸。兮。千派。萬派。區。其派。直指。生駢。拇。橫。眼。出。

一技自非發太善知識之大知維墜緒之將
絕誰能開正法眼藏之正眼挑傳燈之旣微
於惟明心越大禪師鹿門遠孫東苑嫡脈人
中僧伽彼世上優鉢華業行淳脩以戒以定
以慧虛求幽讚于釋于道于儒飄乎凌虛浩
然分化雖培根莖於震旦之旦將結花實於
皇朝之朝西南異方荆棘塞路生憎牧童倒
吹無孔鐵笛奈何庖十徒空不鈍利刀波爰
穩風爰收時旣至機旣熟寡人只願早膏吾

車偉三門之壯觀永挂師錫阜一山之清規
鳳翔鳥從羊羶蟻萃揮手裏拂折衷富樓那
之辯論穿食殘針補綴僧伽梨之破壞洞水
搏躍直上岱宗佛日高懸恢曜天德臨落可
勝翹瞻企望之至

常山文集卷之十七終

[Faint bleed-through text from the reverse side of the page]

常山文集卷之十八

權中納言從三位源朝臣綱條輯



書

答羽林藤原為景書

疇昔華牋落手披封則欣與余相會之詩而用以余元旦詩拙韻也吟之玩之殆不知手之舞之足之蹈之嗚呼良友難得也自古猶然况於今世乎而幸得足下之眷眷于余今

常山文集 卷之十一
而欲約日。以剝啄。則豈不太幸乎。且前日卜幽赴于華軒之次。新歌仙色紙。附與以被惠之。緹巾十襲。藏以爲家珍。何賜加焉。就中惺寤先生遺文十卷。及都氏文集一冊。達几上。遺文校正事。暫待面語。都氏集繕寫之後。可環壁而已。多謝多謝。餘附面布頓首。

與野三竹書

瓊玖瑩然。照我敝廬。鬼谷子經筵講義兩冊。不芥期而達。鳧藻鳧藻。熟讀三四。伊吾不倦。

素聞柳子辨。鬼谷子曰。其言益奇。而道益溼。使人猖狂失守。而易於陷墜。余謂柳子言當矣。盡矣。然而古人不以人廢言。余取其言奇耳。經筵講義爲書也。孔門之要樞。斯道之老馬也歟。不可不孜孜。今非足下之惓惓于余焉。得見此書乎。雀躍頻至。色溢眉宇。摸寫功成矣。卽還焉。短筆難運。遲遲莫怪。匆匆不一。寄本土教寺信上人書。

慎終追遠。孝子所以不忍也。繼絕興廢。仁人

所以當爲也。秋山夫人者。東照公之侍女。而常列水戶前府君武田氏之母也。我先人尋封水戶侯。爲建一寺。奉祀武田氏。扁曰淨鑑院。夫人曾卒于其采地小金村。因葬貴寺之側。武田氏無嗣。于以闕蘋蘩之奠。物換星移。墳墓就荒。寡人見之。不堪嗟嘆。乃卜地于寺內佛殿。乾隅。改葬。建小石碑。碑陰粗勒其履歷。又安靈牌一座。捨田園貳拾石。以爲香燈之資。伏請每歲十月七日。令寺苾芻。讀誦

妙典。永薦彼冥福。歲時芟艸掃塵。以淨墳墓。至萬世無廢矣。是寡人之素志也。

復月坡師書

使定水來謝。且寄一緘。讀之。啓茅心。宛如對芝眉。嚮師不拒鄙請。聽住天德。今聞掃法堂。榜寺門。止葷酒。戒僧徒。迴旣倒之瀾。維將絕之紐。四方之艸。靡然偃法風。可計日而待。余歡喜不能止。唯恐境土僻遠。民俗鄙野。不足久留其鉢錫而已。古曰三界無安。何處注意。

常山文集 卷之十一
哉。仰願師其安閑。爲長久之計。秋冬之交。霜風稍烈。夜坐之禪。蒲團之寒。頻馳緬懷。希自愛

與朝鮮國通信正使尹趾完書

嘗聞錫疇敘倫垂之。洪範繼好親仁。謂之禮經。貴國密邇本朝。振古抵今。講信修睦。而不渝盟。倍約。意其檀君之闢基。千古荒昧。箕子之遺風。百世廣覃。方今使臺當持節之任。受專對之命。山水之遙。備嘗嶮艱。埃亭之長。不

爲無勞。曩者始覩懿範。極增愉快。然朝堂初筵。未飽玄論。唯憾萍水一遇。難於繼見。茲辱嘉貺。多儀感佩有餘。愧罔瓊琚之報。然敢無交際之羞。乃具不腆。如別幅。伏冀亮炤。不宜與朝鮮國通信副使李彥綱書

鬱然紫氣。望異人之過。炳焉星輝。占賢者之聚。天壤之間。物皆有感。人誠然矣。嚮旗旄到都。衆咸謂黃星絳雲神龍朱艸之觀也。屬者在朝堂。一挹清塵。禮典有則。豈敢據鄙悃。而

其藹然和氣粹然詞容。是知弭乎中者必彪
乎外。宜矣觀者之驚愕以爲異也。夫遐方君
子。銜命握節。有至於斯。誠厚幸也。只恨不能
聞玄譚奇論。而爲請著五千文字。館舍咫尺。
不能邂逅諸君子。把觴歌四牡。亦爲快已。承
惠土宜若干。無任良荷之至。謹裁尺一。宜寄
衷素。并致菲儀。聊答來意。豈無媿瓊瑤。永靡
相忘也。旋旆在邇。時惟高秋。戒謹霜露。

與朝鮮國通信從事官朴慶後書

夫使於四方。遂桑弧之初心。貌榮名于他邦。
實士君子之所希也。臺下奉命。不遑寧處。駟
騎載驅。衝雞林之梅雨。星槎遠泛。泊馬島之
荻風。積水之環九列。煙濤難濟。征衣之互三
季。寒暑旣易。匪躬鞅掌之勞。爲何如哉。將幣
之日。幸瞻丰采。玉山瓊樹。使人恍然。心醉公
庭之儀。禮文有制。恨不能飲敘區區。嚮辱
賈國土實。喜荷交併。爰陳芹儀。如狀迴軫。不
日。把袂無由。參商之別。不堪瞻望之至。萬祈

亮鑿

再與朝鮮國三使書

辱賜復札三四讀之不覺交梨在口明月入懷齒頰馥郁胸膈洒落而獎借甚過恐非所以愛人之道焉况不佞乏文才操斧于班門實不能無恥何當大方之觀乎前者所贈是交際之儀而木李之報也且有行者以贐之事承薄物封還顧夫芹枕之心未能彰乎抑亦非儀之情不能備乎我竊惑焉三使臺閣

下。清廉高節。過于胡質。踰于陸績。不腆微物。豈容高明傷廉之疑乎哉。况我贈非南越之裝。使臺亦非遊說之徒乎。古人有以黃金爲中幣者。有其辭則皆受之。不以爲傷義。然則於無與無取之道。彼此何傷乎。望請三使臺閣下。克察區區赤心。擴充萬頃弘度。以諒交際之報。則講信修睦之禮成。相愛相好之情通。千萬幸孔。勿疑。伏希炤亮。回字倉卒。併呈三使臺閣下。勿罪不敬。

示朝鮮三使疑問

一昨日所贈之土宜錄品數不具姓名
 一楮尾押一印稱三使所贈
 一見印文二字疑是尹公之字乎其印篆刻叔麟二字
 古人於交際自稱名不稱字以為通式
 右三件竊有所疑蓋貴國之法乎願聞之
 天和壬戌九月朝鮮三使遣譯官二員於
 予小石川第贈以土宜其儀狀有不合禮
 者翌日命儒臣中村顧言就本誓寺詰問

不如右三使語塞終不能辨明

寄僧正耕雪書

聞發軔在近日者巡遊封內不及敘別為憐
 焉耳夫流水野鶴雖僧家之常態渭樹江雲
 亦交朋之恆情懷仰道範曷勝羨慕願明年
 再來大鳴法鼓使寶幢為瑜伽之肆則豈翅
 弊郡之福哉抑是東州之幸也外寄薄物四
 品俚言一篇聊當贐儀山川脩阻霜露嚴冷
 千萬珍衛不敢多云

尺牘

與过了的

一夢炊白。千歲失儷。中澗有誰采繫。高堂有誰尸。嗚呼無人佐我。奈蘊結之云何。乃讀挽詩。益增悲感。聲折眼昏。不能終篇。即欲依韻以言謝復。又逢姑喪也。故不敢申。州州不一。

謝埽宗悅

不佞曩獲白鷗一隻。甚翫之。恨缺其雌。籠中

為之寥然。不意蒙足下寵錫。雀躍頻至。感切鏤銘。我無雙白壁。只覩然荷。胡公之惠。餘容面叩。不宜。

寄東漸寺雲卧和尚

曩時過香積厨。忝荷伊蒲饌。暫聞風幡之論。頓豁我心茅。雀躍不少。多謝多謝。唯希蓮社之盟。永矢勿諼矣。不宜。

復心越禪師

歲云莫矣。北風鬻冽。道候佳勝。飲慰不已。見

寄五言一篇。字字金玉。卷舒數回。堪慰病自。又惠豆腐乳。此地所稀。感荷良多。萬謝何罄。縷縷期春。不悉。

又

祁寒已逼。道體萬福。珍重珍重。前日邂逅。久昌寺。臨事倉卒。談不及熟。就承忝賀。愚息綱條。班月卿。子還懼荷。不當之寵。豫愁有覆餗之危耳。希昭亮。

又

辱蒙手書。蕭寺迎春。道體萬福。欣幸欣幸。不意余有鈞命之召。季春之府。久踈世事。老病頻逼。顧不便見。獨泚顙。抱恥耳。

又

時維伏暑至甚。道體清勝。珍重珍重。下官辱依柳營庇蔭。不知炎熱之苦。勿勞遐想。肅以復自。不宣。

又

朵雲落手。就審維摩之牀。步履健康。欣拈居。

多。茲領新刻入院語錄。湖南已東。法風上州。祝祝。卷首之狗尾。以泚頽而已。老秋逼冷。伏冀自愛。不宣。

恭蒙介碧洲長老。賜華翰。聞道候萬福。雀躍多多。下官僑居徑荒。徒弄殘菊。閉窗燈冷。紫對愁眠。遐想岱山秋景。作麼生。久之聞風。幡之論。且暮恨恨。就辱惠腐。敝一筐。多謝多謝。不一。

又

頃荒忽裂。孔懷之情。無如之何。忝蒙弔慰。滴淚申謝。伏冀師為下一喝。喝驚黃泉。助凡冥福。不既。

與森尚謙

尚謙轉借禰寢孫左衛門清雄文書故及之

薩州之士禰寢院氏家藏文書若干。披之讀之。再三。點檢家世系譜。出自珍奇。我見所未見。聞所未聞。事實詳切。足補史闕。幸之幸。惟

子之所以轉借而致焉。多可多可。不一

簡連山師

秋暑逼膚。久乏羽鱗。法體清勝。否。南瓜兩團。寄几右。是亦鎮心之一助手。笑納惟幸。不宜

復杉室海門師

辱价實門。且投華翰。頃日連雨。新涼入窻。道體萬福。珍重珍重。想蟻萃禪徒。日浴懸河。期他日法幢之振耳。萬萬自愛。不宜

寄攝別兵庫廣嚴寺千巖師

久聞喝雷轟耳。惟憾未遂披雲。明河之望。耿耿依依。嚮修楠子之荒墳。就請題碑面。予冠以嗚呼二字。蓋做延陵季子之例。當耶不當。恐後人之嘲。慘懼不少。非師了了。誰肉千歲之枯骨乎。曷勝感激之至。邂逅何日。渴塵萬斛。不宜
與智圓師
初攀曇華。恭沍法水。耕山胎玉。紫煙生輝。為法為國。幸之幸也。謹呈抹茶二品。聊助爐談。

答月坡師

華牋落手。薰誦再三。情意共深。曾聞師係靈
隱精舍之事。至祝至祝。期落成之日而已。日
者容舍于武陵。以余杜門絕交。師不來扣。甚
恟鄙懷。且副以絕句一章。金聲玉吟。不忍釋
手。余時罹微恙。故不能答。莫訝秋涼既至。為
法自嗇。與吳雲師。曩者過寒廬而不值。思悵然。渴望佗日再顧。

已。就辱賜越師遺物兩品。古謂存則人亡。則
書意者器物。踈手澤。親願以親。易踈且薦香
冥福。暮洒淚羹牆。是余不幸之幸。亮察。

疏

請日近師住久昌寺疏

久昌精舍。為薦先妣冥福。建焉。三昧講堂。欲
驚學徒長寢。設此白塵。一去冷講席之風。烏
鵲群飛。迷檀林之月。學非師學。何就玉不。錯
玉無光。恭惟遠成近公。博窮佛經。兼關儒典。

恢張手裏提一乘圓頓之宗綱。廣長舌頭翻
四辯懸河之波浪。昔者貫頂名剎度人我。今
也盤旋幽谷友煙霞。挂錫燒香絕交樂。獨恐
艸木識名。遜晦迹。雖桃李不言自成蹊。久切
望。大旱雲霓速來。轄闔山衲子。

請正山師住淨鑑院疏

法依地昌。地由法貴。院號淨鑑。村云額田。四
十八願。春風有潮音響。十萬億土。秋月挑法
燈。明老松森綠陰。蒼蒼寶池清。白鳥鶴鶴恭

惟念譽山公。法林大象。學海卧龍。細論懸河
翻活辯瀾。一喝轟雷。振廣長舌。灑眼東漸。法
水晒背。西方夕陽。於茲前貫首益譽大和尚。
罹蝦蟇蟹痛之愁。苦朝勤暮參之急。辭院而
退。故席以虛。伏願徇群生之景望。遽來驚四
衆之長寢。

常山文集卷之十八終

常山文集卷之十一
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

